

Nunap immikkoortuisa kommunillu nutaamik agguarneqarnerisa kinguneranik aalisarnermi nunalerinermilu inatsisartut inatsisaata aamma inatsisartut peqqussutaasa assigiinngitsut allanngortinnissaanut inatsisartut inatsisissaat (Kalaallit Nunaata kommuninut aggorneqarnera pillugu inatsisartut inatsisissaata (UKA 2008/62) kinguneranik allannguut)

§ 1

Aalisarnermik piniarnermillu inuussutissarsiutillit inuussutissarsiornerannik siuarsaaneq pillugu inatsisartut peqqussutaanni nr. 10 12. november 2001-meersumi, inatsisartut peqqussutaatigut nr. 13 26. november 2007-meersukkut allanngortinneqartumi, imatut allannguisoqarpoq:

1. § 5, imm. 3, imatut oqaasertaqassaaq:

"Imm. 3. Inuussutissarsiutigalugu umiatsiaaqqamik pisinermi umiatsiaaqqap pisiarinerani akiata 75%-ianik tapiissuteqartoqarsinnaavoq. Qinnuteqaateqartoq Qaanaami eqqaanilu, Ammassalimmi eqqaanilu imaluunniit Ittoqqortoormiuni eqqaanilu aalajangersimasumik najugaqarpat umiatsiaaqqap pisiarinerani akiata 84%-ianik tapiissuteqartoqarsinnaavoq."

§ 2

Aalisarnermut aningaasaliissutinut immikkoortitat pillugit inatsisartut inatsisaanni nr. 15 20. november 2006-meersumi imatut allannguisoqarpoq:

1. § 7, imm. 3, imatut oqaasertaqassaaq:

"Imm. 3. Imm. 1 apeqquataatinagu Qaasuitsup Kommuniani Qaanaami eqqaanilu aamma Kommuneqarfik Sermersuumi Ittoqqortoormiini eqqaanilu aamma Tasiilami eqqaanilu tapiissutit annertussusissaat aamma tapiissuteqarnissami piumasaqaatit pillugit immikkut ittunik Naalakkersuisut malittarisassaliorsinnaapput."

§ 3

Nunalerineq pillugu inatsisartut inatsisaanni nr. nr. 2. maj 1996-meersumi inatsisartut inatsisaatigut nr. 15 19. november 2007-meersukkut allanngortinneqartumi imatut allannguisoqarpoq;

1. § 14 a, imm. 1, nr. 4 imatut oqaasertaqarpoq:

"4) Ilaasortat pingasut Kommune Kujallermiit toqqakkat, Nanortallip, Qaqortup aamma Narsap eqqaannit immikkut tamarmik ilaasortaq ataaseq"

2. § 14 a, imm. 1, nr. 5 aamma 6 atorunnaarput.

Nr. 7-9 matuma kingorna imaalissapput nr. 5-7.

§ 4

Inatsisartut peqqussutaat atuutilerpoq 1. januar 2009.

Namminersornerullutik Oqartussat, ulloq 5. december 2008

Hans Enoksen

/

Finn Karlsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut